



# आधुनिक राजस्थानी कवितावां

भाग-श्रेक



संपादनः मीठेश निरमोही

श्री बुबली नागरों भण्डार

पुस्तकालय एवं वाचनालय

स्टेशन रोड, बीकानेर

अंजलि प्रकाशन

विरांमणां री गळी,

उस्मेद चौक, जोधपुर (राजस्थान)



अंजलि  
प्रकाशन



# आधुनिक राजस्थानी कवितावां

भाग-श्रेक



संपादनः मीठेश निरमोही

श्री बुबली नगर भण्डार

पुस्तकालय एवं वाचनालय

स्टेशन रोड, बीकानेर  
अंजलि प्रकाशन

बिरामणां रो गल्ली,  
उम्मेद चौक, जोधपुर (राजस्थान)







1983

संगळा अधिकार : मोठेश निरमोही

प्रकासक : अंजलि प्रकाशण विरांमणां रो गळी, उम्मेद चौक,  
जोधपुर (राजस्थान)

मुद्रक : सुपर युनाईटेड प्रिण्टर्स  
मेड़तिया गेट दरवाजे रे बारे, जोधपुर

मुखीळ : प्रदीप सोनी अर सलीम शेख

पेली छापी : 1983 (राजस्थान दिवस)

मोल : बीस रिपिया

**AADHUNIK RAJASTHANI KAVITAVAN**

**Edit by : Meethesh Nirmohi Rs. 20/-**

# म्हारी बात

## आधुनिक राजस्थानी कविता री विकास जात्रा

आधुनिक राजस्थानी कविता सारु बगत-बगत माथे नूँवा-नूँवा मत अर वाद सामी आवता रैया । केई आरोप ई लगाइजता रैया क' आधुनिक राजस्थानी कविता कियो ई वाद री सबळी ओळखाए नी बण सकी । बस दो रूप ई उभरने आया ओक तो मंचीय कविता री अर दूसी अमंचीय मुक्त छंद कविता री । यूँ छायावाद सून लेख'र प्रगतिवाद तक रा तमगा ई आधुनिक राजस्थानी कविता रै सार्ग बगत-बगत माथे लगाइजता रैया । चायै इएरै लारै केई कारण रैया । पण वे कारण हिन्दी कविता जात्रा सून न्यारा है । इए वास्तु राजस्थानी कविता री जमी नै हिन्दी कविता नै ध्यान में राख'र ओकणी वाजब कोनी । क्यूँक' जिए गैला सून हिन्दी कविता गुजरी वा सून न्यारी हालतां राजस्थानी कविता री रैयी । आधुनिक राजस्थानी कविता माथे ओक'र सरसरी तोर सून ई द्रिस्टी न्हाको तो केई महताऊ बातों सामी आवै, जिकी क' इचरज करै जैदी है । सबसून पैली अर मोटी बात ती आ है क' आधुनिक राजस्थानी कविता नै हिन्दी कविता जित्ती लम्बी जात्रा कोनी करनी पड़ी । अर ओक लम्बे अंतराळ ताईं ती साव सांयत रैयी । इएरी खास वजै ही राजनीतिक उथळ-पुथळ अर जन चेतना री कमी । अई कारण रैया क' आधुनिक राजस्थानी कविता री उए बगत सांगोपांग विकास नी होय सकियो ।

अर आधुनिक राजस्थानी कविता री श्री गणेश होयी कविवर ऊमरदोनजी सून । पण वां री कविता पूरण रूप सून नी ती आधुनिक ई



है घर नीं ई ठेठ परंपरावादी ई । थां नै घापा मंघिछाळ रा कवि कैय सकां, जिका क' भावां घर विचारां रै स्तर माथै ती घणै तेवर रै साथ भाया, पण छंद घर सिल्प रै मामलें में ठेठ परंपराऊ ई रैगा । नतीजो घी होयो क' थां री कविता पूरी तरियां सूं आधुनिक नीं वण'र बीज रूप मे ई' सामी आयी । घर इण रै बाद रा कवि जिका सबसूं सबळ रूप में सामी आया वै हा जनकवि श्री गणेशोलाल घ्यास 'उस्ताद' वाकेई आधुनिक राजस्थानी कविता रा पैसा सिमरव घर सदळा कवि है । वां री कविता आज ई आपां नै उत्ती ई 'अपील' करै । इणरै लारै केई कारण है घर वै कारण ई थां नै इण रूप मे धरवै । 'उस्ताद' री सबसूं मोटी बिसेसता आ हो क' वै साव सरल घर सीधी-सादी भासा में कविता करी घर गैरी सूं गैरी बातां उणमे कैयी । देस री आजादी, वैग्यानिक विकास घर बिस्व राजनीति रै बदळतै रूप री चितण वां नै केई मोहा भू' तोड़िया घर नू'बी चेतना जगाई । आ बात वां री कविता में सुभट सखावै । साथै घर लारै रा कवियां री सिरजण दीठ नै कमती घर बर्त' रूप मे उण नू'बी चेतना नै अंगेजी है ।

नू'बी चेतना नै अंगेजण री फळ ओ होयो क' सिएगार घर बीर रम री भावनावां सूं जुझियोड़ी राजस्थानी कविता परम्परागत ई नीं रेय'र कदेई नू'बी मोड़ से लियो । घर इण नू'वै मोड़ मे राजा-महाराजावां जंगीदागं घर सरकार री बडाई आपी आप मरगी । इण वगत सूं बडाई रा बंधण तूटमा घर शुकाव व्यवस्था घर समाज सूं सीधी जुड़ग्यो, इणी साथै काव्य जात्रा में आसा-निरासा रा मान तूटण लाग्या बैठैई कविता जीवण सूं जुड़ण लागी घर मुक्त छंद पसरण लाग्यो । धर्व धीमै-धीमै कळपनावां में गमण घर पलकां में रमण री लालच आपी आप बंद हुयग्यो । इणी प्रभाव सूं बदळतै परिवेस मे समाज घर व्यवस्था री जवरदस्त सदाई सामी आय रैयो है । जिएमें जन-जन री पीड़ है, इग्याव घर जोर जुवम सूं सीधी टक्कर है, उछाळी है, घर आज आधुनिक लोक जीवण रै रग-रग में आ कविता रमती लागै । यानै क' कविता जंघारण सूं जुड़गी है । आज कविता मे गांधां घर सहारा री संस्कृति रै राखण रै मार्ग तीत्री पण ई है, बडेई खारी पण है । ती कठई मुधरा आखरां में मामली भीठी घर कोजी मार लागै लिखारा इग्याव सूं बापेड़ी कर रैया है। नोकरसाही नै आछे हाथां सेप रैया है। पाठकां रै भावां विचारां घर दुस दरदा नै परोटण लाग्या है । घर परम्परावादी मानसिक कुठावा ई आपी आप मिटगी है ।

इए साहित्य सिरजण में नूँवी उपमावां, नूँवा विसै भर नूँवै प्रयोगां रै सार्ग-सार्ग बढळतै नूँवै परिवेस री तड़प है। अबै आ बात कोनी क' इए सिरजण नै सेय'र जग हंसाई होवै। सगळ्हाई सिरजक आप-आपरी सूझ-बूझ मुजब नूँवी दीठ रै सार्ग जिरजण कर रैया है, जिणां री कवितावा मे मजूरां, करसा, आदिवासी, अछूत इत्याद निचला वरगां री संघसं है, सार्ग ई आप-आपरे असबाड़े-पसबाड़े रै मानधे भर समाज री हंसी-खुसी दुस-दरद, आसावां बढळती मानतावा भर बढळतै जुग रा सागोपांग चितराम जण-माणस मे रम रैया है। भर लिखारा आज आपरी भूमिका बरोबर निभाया जा रैया है।

'उस्ताद' भर बाद रै कवियां री लेखी जोखी करा ती सार्ग क' सारतै 40 बरसा सूं आधुनिक राजस्थानी कविता रै सिरजण मे केई कवि जूझ रैया है भर आठवै दसक ताईं पूग'र इए संप्रै रा सगळा कवियां री आं कवितावा भायें अक आलोचना री दीठ न्हाकां भर परल करां ती पगस लियां बिगर ई कैय सका क' राजस्थानी री आधुनिक कविता बीजी भारतीय भासावां सूं किणी रूप में उत्ती लारै कोनी जितरी क' कैयो जा रैया है।

राजस्थानी पत्रिकावा-महवाणी, ओल्लमो, जलम भोम, मधुमती परम्परा (हेमाणी अंक) भर राजस्थली इत्याद रा कविता विसैसांकां री लम्बी जात्रा करण रै पछै आगे अठै ताईं पूगतां सखावै क' अबै आ री कवितावा रा पसबाड़ा सैठा है भर अ आपी आप आपरी सबळी ओल्लखण बणाबण में सिमरथ है। आज राजस्थानी री आधुनिक कविता में कविताई प्रयोग दूजी भासावां सूं असरदार भर सिरै मौड सखावण लाग्या है, भर रचनाकारां री सिरजणाळ दीठ में परंपरावा सूं हट'र नूँवै प्रयोगां भर प्रसंगा में बढळतै परिवेस री सबळी पसराव सामी आय रैया है। पण आ बात आलोचकां भर अनुवादकां री कमी रै कारण सामी नी आय रैया है 'जद क' हिन्दी भर दूजी भारतीय भासावा में ओ कारज आदोलण रै रूप मे होय रैया है। भासा नै संवेधानिक मानता न मिलणी बी इए में अक मोटी कारण है। इतरी होवण रै पछै बी आठवै दसक रैछै लै लागै क' अनुवाद भर आलोचना री खामी ई पूरी होय रैया है भर नूँवी दीठ लियां आलोचक भर कवि इए आदोलण सूं जुड़ता जा रैया है। अबै भासा वंधे क' ओ काव्य सिरजण आधुनिक राजस्थानी कविता री विकास जात्रा री सैठी आधार बणासी। इए सूं वेसी बात आधुनिक राजस्थानी कवितावां भाग-दो में लिखसूं।

राजस्थान दिवस, 1983

□ मोठेश निरमोही

आधुनिक राजस्थानी कवितावा : 7

आधुनिक राजस्यांनी कवितायां भाग-अंक रा प्रतिनिधि कवि

विगत :

सरयेन जोशी : 9/पारस चरोडा : 12/सौंकार श्री : 14/नंद भारद्वाज : 16  
मीटेश निरमोही : 21/हरीश भादानी : 24/फारूक आफरीदी : 27  
डॉ० प्रजुनदेव चारण : 30/श्यामसुन्दर भारती : 34/चन्द्रप्रकाश देवल : 37  
ज्योति पुंज : 40/बी० धार० प्रजापति : 43/डॉ० मदन केवलिया : 48  
डॉ० मंवर भादानी : 51/डॉ० माईदानसिंह भाटी : 55/मोहन मानोक : 60  
चैनसिंह बेर्चन : 63/सावर दह्या : 67/चन्द्रशेखर चरोडा : 70.

३ : आधुनिक राजस्यांनी कवितायां

रैतां-रैतां न्हैया म्हा-पोस्ती

सैतां-सैतां भूल गया-

घावां री कुळण

जीवरण री मरम

ठहै वायरिये री सौरम में

रमग्या सें जीव-

माटी

भाटा

भाखर

लेवां हां वाफारा

डागळियो छड़क-छड़क

लुळ लुळ नै लेवां हां

धगर-धूप

घाप्यां रै

लोई रा पाणी कर

पीवां हां बूंकां भर-

नैणां री जोतां में

पोवां चितरांम अजूं

भर-वर में भविमोड़ा

ठीकरियां जीतां हां, हारां हां ठीकरियां

नारां सूं घटियोड़ी

धोखद नै चाट-चाट

बावां हां, चवड़ा हां...

बावां हां...

गूंगा बण

गाफल री सांग करा

दूजां री गत जीवां

दूजां री मौत मरां

बालां हां दो आंगळ  
 मांडां हां कोस चार  
 सांमो कद आवण दां,  
 खुदनै, खुदरै म्हां  
 'जाणां' हां पोल-संग  
 गावां में नागा हां,  
 ना ...गा कर नागाई  
 सांवट नै भेल-भूल  
 भूल गया....भूलां हा....भूलांला  
 भूत्यां ईं पार पड़ै  
 ऊब ताळ लोटें में  
 चिक्की कुण मार सकै ?

गुचळकी डुवावला  
 गुचळकी पुगावला  
 सुरगां रै दुरवाजै  
 ओसीस्या अधर पड़्या  
 सुपनां रा धेला दो-

जीवतड़ां रा सुपनां  
 मरियोड़ां रा सुपनां  
 सुपनां ई जीवण है  
 सुपनां ई मिरतू है  
 करमठोक कमतर में-

हाडकियां भांग रया  
 भागतड़ै जीवण री  
 जनपतरी फाड़-फाड़  
 मिरतू रा हलकारा  
 टसकै है ! टसकै है !

फेर अँक पसवाड़ी  
 अटकयोडौ उलझ रयी  
 गीतां री कड़ियां में  
 आखर, व्है ऊड़धूड़

आवै कुण  
 गावै कुण

भाड़ रा भाड़ूता  
 पड़ भागा  
 पड़तो जा  
 सड़तो जा  
 सुपना ई चरती जा  
 सुल्लग-सुल्लग धुटती जा  
 नैचो कर, नैचो कर  
 खांघ्यां रे जेन कठे  
 नैहो समसाण जाण  
 भाग मती पाळो यू !

पिडत री नेग हाल  
 देणो है आंत काट,  
 घर नै तो देणो है हूँठेरी  
 ओपमा

खेता नै लाटण री  
 परवाणो लिखणो है  
 बळदयां री रास  
 हमें उण खूंट वंघणी है  
 सांसांरी फारगती  
 बाइयां में करणी है  
 हाल कठे मिरतू री मिजमांनी  
 करण जोग  
 देख हाल सूरज खुद मांदी है

मांदी पड़  
 रिब-रिब नै टसका कर,  
 दूस्या भर,  
 आळस नै फगत बेक  
 इतरी वीसायंत दे ।

1 10 2 2

1 1 2 2

बीज

— पारस'भरोड़ा

झूठे इज

हरा जमीं मार्य

खर्च वी खेत

बोवें बीज

कंसी चीज औ दांगी ।

सूखी

चाटल के बाढ़ दै वंवाय

कुरण जाणै

जरा ली देख

नैहा भाय

अर आख्यां जमा इण हाथ  
कैसी चीज है जांणी ।

घणी ई मुस्कितां सूं  
मैणती हाथां म लण व्हेणी  
सिनानां सोरमी आली जमीं री  
कूख में पढ़णी  
किरण ज्यूं फूटणी  
अर फूलणी  
अर फैलतां जांणी

पकड़ पवन आंगळी  
सुर-लैरी ताळ देय  
लय में ढळ जांणी  
तावड़िये पुस्ट व्हेय  
सिक-सिकनै पाकणी  
टावरिया छोड भूल  
इणनै आलाद मान  
घस्ट पौर इणरी अवेर रात जागणी ।  
काट-कूट-भपट-छांण  
धमक रंग देवणी लो देख !  
अठे इज इण जमीं माथे ।

अठे इज इण जमीं माथे  
अे भुगतै कैद  
धो काटे सजा  
बंधक बण्योड़ी है  
यै वै हाथ हो  
जे रोप दी इण बीज नै अे आज

काले वा फसल व्हेला'क  
थांरा काट दै सें जाळ ।  
अो है बीज, यै हो हाथ  
थांरी जो रैयो है बाट, लो आवी  
अठे इज, इण जमीं माथे ।



## छन्दयारा कवितावां

— घोंकार धी

1

रंजी री बीज  
ग्रह मरजाद  
मन भर तनै  
चारु और काई ?

2

छप्पनिपी छोंकी  
दृष्टी कोनीं  
कागजां न भीकी  
सुरणी होनी !

3

तखत विद्याभी  
तखता ऊँचाभी  
तखतमलजी !  
अठी न तो आभी !

4

अणु/ईस्वर  
स्वर  
साक्षर संग निरक्षर !

5

क्रान्ति री डफोळ संख  
राज भर अकाज !

6

जमानो  
ठोठ रोकड़ियी  
जलम-मरण री !

अ-खाता जीव  
जगत रा सफा खोटा है !

7

पढ़ण नै हड़मांन चाळोसी  
सुणन नै भागीत  
लिखण नै  
रपट थांणै री  
छपण नै  
जागती-जोत !

8

ऊमर रं खेजड़  
पर  
सांसां री टंग्यौ है  
रीती पाळसियौ  
उड़ तिसाया प्राण-पंखेरू !

9

चोटियो नारेळ  
बाजै है  
धारयूं मेर  
संसद सूं सड़क ताई  
भाजै है !

10

राधा  
अहिल्या  
द्रोपदी  
अकद सदी ? तर्न !  
बोल (भ्हारी) गूंगी सदी ?

11

स्वागतम्  
पधारो सा !  
अलविदा  
पधारो सा !!

## टावर रौ सुभाव

— नंद भारद्वाज

अवखा अर अवोट सवालां में  
अणजांणी हाथ घालणी  
टावर री आदत न्है—  
आयूँच वी अंदाज कोनीं  
अवखाई री अंत—  
अर थाग लेवण  
ऊतरतो जावै अंधारी बावड़ियां ॥

टावर रा  
वां तीखा सवालां रौ  
वी कोई पड़ूँतर देवै  
जिका-आभा-चूक  
हसक सूँ वारे आय  
ऊभ जावै सांमी  
अर हालात सूँ  
बायेड़ो करण नै मजबूर करै—

जीसाँ!

आपां क्यूँ जोवां कोई रै सांमी,  
क्यूँ चाईजै आपांनै कोईरी मेहरबांणी,  
क्यूँ ऊभणो पड़ै अकारथ  
राजमारग रै अहे, छेड़ै,  
बोलां क्यूँ अणूँ ती जै-जैकार—  
अर क्यूँ अबोला बैठणी पड़ै  
आपांनै मरजी परबारे ?  
बैठ्ठी अणचींती दुविधा है;  
अंकांनी टावर री अलेखूँ भोळी ईछावां  
स्यांणी संकावां—

अलेखू कवळा सपना  
 अर बापरती काची नोंद,  
 अर दूजी कांनी  
 आ कुजवरी परवसता री पीड-  
 उणरी ओळ्यां सांमी घूमै  
 टावर री इच्छावां  
 अर सालता सवालां सूं  
 जूं भै उणरो मन,  
 सेवट धूजता पग  
 चाल पडै मत्तै ई उण गेलै  
 जिकौ अक अंतहीण जंगळ में  
 गम जावै,  
 कानां में गूंजती रैवै  
 फगत टावर री डूवती हाकी-

—ये यूं अणमणा कठीनै जावो जोसा !  
 दोफारां आपांनै सैर जावणो है-  
 म्हनै आजादी री परेड में हिस्सी लेवणी है,  
 ये यूं अबोला कठीनै जावो जोसा ?

### भरजी. रा मालक

आ मानी के डील आपरो है  
 आपरो डेरी है  
 हलकै रा हाकम आप-  
 आप भरजी रा मालक है !  
 आप चावै तो भंवता फिरै  
 आभै री अवखाया में  
 कांठळ मे मिळता भुरजा सूं  
 आंकस राखै,  
 मंणी देवता फिरै बगत रा बायरां नै  
 पांणी आडी पाळ बांध  
 निरभै सोवण री सांग रचावै !  
 जुगती सूं जोडै हाथ  
 हथाळघां मांय

ऊभ-घड़ी आंवा ऊगावै  
 वाळपणी बिलमावण खातर  
 जैर धुळियोडी वांणी सूं  
 हालरिया गावै,  
 फांफां खावता फिरै  
 मिनख ऊजड़-उरभांणा-  
 अै सांमी जोवै  
 मुळकै-  
 अर फोटा पड़ जावै !

भारी बंदोवस्त  
 जावती व्हेतां सांतर  
 इचरज व्हे आंनै उठती आवाजां माथै  
 'समभहीण' लोगां सूं सेवट गंळ छुडावण  
 सवद उधारा मांग  
 दिलासां री डोढी चढ जावै !

गरज ब्हियां  
 चालै उप्पाळा-उरभांणा अै  
 अपणांयत दरसावै डोढी  
 पगडांडयां सूं मेळ वधावै,  
 वात उगेरें आदरसां री ऊभ-घड़ी  
 करसै रै कांधै हाथ राख  
 फोटू खिचवावै !

सरणाटें में ढळग्या तीजी पीर  
 सईकी तीजी पांत उतरग्या  
 पड़गी मोळी अंधारे री मार  
 वायरा ओजूं चालै  
 ऊगूणें आभें में उठती लाय  
 पखेरू निरभं निरखै,  
 घोरां रै उपराखर उठती आंधी  
 काटकती वोजळियां री गाज  
 गढां री मीवां घूजै-  
 पण ओजूं करडावण वाकी है  
 आतमघाती वगत सिरकती आवै नैडी  
 पोत उघड़ग्या च्यारूं कांनी

-परण ओजूं लग सांवरण बाकी है !  
 -ओ डोल आपरी है  
 आपरी डेरी है  
 हलकें रा हाकम आप-  
 आप मरजी रा मालक है !

## अणभव रौ सार

उएरी अंक छोटी-सी दुनियां है  
 कौं जरूरी बातों री  
 सजती सुलझ्योड़ी पिछांण-  
 ऊपर आभें में फगत तारा है  
 जिका सिझ्या अंधारौ घिरियां ऊगं  
 व्है जावै अदीठ  
 -कुदरत री धारौ है !

आखें दिन रास्तां जिणरी आस  
 वैं सपनां री घड़ियां में सांमी आ जावैं  
 अर आंख रैं उपड़ियां  
 दीसैं वैं ई खाली हाय-  
 यी ई अडोली सूनी आंगणी !

कैवत री मैमा है :  
 मिनल री पिरयी आभें जीवणी  
 मालक री मरजी री परसाद-  
 देव री इच्छा परवारै कांई कर लैं आदमी ?  
 नीं उएन बडबोली कैवत सूं इतराज  
 नीं खुद री मन-मरजी ई साजणी,  
 इच्छा फगत इत्ती-सी है-  
 जिनगांणी सोरै-सांस जी लेवें  
 मिनखां में वणियोड़ी रेंवै लाज-  
 घर-वैठां गंगाजी न्हावण व्है जावै !

अं च्यारूमेर बीगढ़ता आसार  
 वेकावू हालात सांमी  
 कांई कर लैं आदमी ?  
 जलम सूं लेय'र ओजूं तांई

जिकी-कीं जांण्यो-वृद्ध्यो  
 उणरो अणभव सूं उल्टी ढाळी है-  
 वणाया जिणन मोवी आगोवांण  
 सरायो भाग  
 दोखता कारज वांरा उता ई पोचा है,  
 मोकळा नेम बतावणहार  
 ऊजळा संत  
 खुद रो नीयत रं समचं  
 उतरता उता ई ओछा  
 -इण जुग रो आ लाचारी है !

यूं वरसां रं अणभव रो  
 अंतो सार  
 वो इणी नतीजं पूग्यो दुनियादार :  
 भाग रो भरम  
 फगत आपं रो स्हारो है,  
 मन नै धीजावण सारु  
 माईता रो सूं पियोड़ी सीख  
 अक भोळी विसवास  
 सुख रो कामना !  
 आंगं ढळियोड़ी  
 मीठी मानवी वंवार  
 अंतस में दियोड़ी ऊंढी वेदना !  
 मिनस रो भाग  
 मुलक सूं न्यारो कोनी द्हे  
 नी सरीखा रैवं हरमेस  
 दोजखी रा दिन  
 जिका उतारं पिरथी रो भार  
 वै आभं सूं कोनों अवतरं  
 नो जमी नै फोड़ ऊंगै  
 सिरजण हार-  
 वं हेत राखे हाथ सूं  
 जमी सूं वधियोड़ी राखे आम  
 मंणत नै ऊंची माण देवं मरदमी !

## करसो-ओख

### ☞ मोठेश निरमोही

गाढां में भर-भर  
 अमूँभता सुपनां  
 बणावँ अदीठ हवेल्पां  
 फाटोड़ी अंगरखी रँ पांण  
 छाती तांण  
 करती रँ जेठ री तूवां सूं चाघेड़ी  
 भूळ सूं डाल पांवण री  
 लगायोड़ी आस  
 बारूँ मारा !

सोळं आनां साची भी  
 सांची वँ हवेल्पां  
 अर  
 पराई पीड़ सीवती  
 हवेल्पां री भरम  
 रिनरोही में भंवतँ मिरगले री भांत  
 जुग-जूण जीवण  
 पीवण पराई पीड़  
 ऊँचावती लांठाई रा लटका  
 सोधती छींया  
 लिखणी चावँ नूँवै जुगां री इतियास  
 विलमावँ छुदनै  
 पलटतो/बदळतो आपरो उणियारो  
 बेकळ रेत/हरियल खेत  
 ऊँडां अबूम धोरां  
 पैछाण्यां आंधी अर बधूळां  
 आपरै अधमरियै मिनखपणै नै ,



ਅਰ/ਵਾਂਚਤੀ ਰੈਵੈਂ ਜੂਂਨੈਂ ਜੁਗਾਂ ਰੀ ਇਤਿਆਸ  
 ਅਠਥਕ, ਅਠਾਤੂਟ ਲਿਆਂ ਨੂਂਵੈਂ ਇਤਿਆਸ ਰੀ ਆਸ  
 ਹਾਂਫਤੀ ਰੈ ! ਹਾਂਫਤੀ ਰੈ !! ਹਾਂਫਤੀ ਰੈ !!!

### ਕਰਸੌ-ਦੋ

ਜੋਤ੍ਯਾਂ ਹਲ  
 ਹਾਂਕਤਾ ਬਲਦਾਂ  
 ਵੀਜਤੀ ਕਿਸਮਤ  
 ਰਾਸਾਂ ਰੈ ਫਠਕਾਰਾ  
 ਝਰਤੀ ਝਮਰੇ-ਝਮਰੇ  
 ਆਪਰੀ ਇਤਿਆਸ ।

### ਕਰਸੌ-ਚੀਨ

ਜੂਂ ਸੂਂ-  
 ਲਿਪਟਿਓਡੀ  
 ਬਤੂਲਿਓ  
 ਕਾਟਤੀ ਪੇਟ  
 ਕਰਜੈ ਰੀ ਮਾਰਘੀ  
 ਬਾਂਟਤੀ ਤਨ  
 ਉਪਜਾਯ-ਉਪਜਾਯ ਅਠੂਤੀ ਅੰਨ  
 ਅੰਯਲ ਰੀ ਅਵਤਾਰ  
 ਵਾਂਚਤੀ ਆਪਰੀ ਝਯਲੀ ਇਤਿਆਸ ।

### ਕਯੂਂ ਨੀਂ ਜਾਂਯੋਂ ਸ਼ਾਂਨਖੌ

ਤਾਵਡੇ ਰੀ ਤੇਡਾਂ  
 ਪਿਗਲਤੀ ਝਲਰੀ ਡੀਲ  
 ਬਤੂਲਿਓ ਬਠ  
 ਹਿਵਡੇ ਨੈਂ ਹਰਸਾਵੇਂ  
 ਪਰਸੇਵੇਂ ਰਾ ਟਪਕਾ  
 ਝਮਰਤ ਭੋਗ ਬਠ  
 ਬਯਾਵਲੀ ਰਚਾਵੇਂ  
 ਝਰਤੀ ਰੀ ਮਾਂਗ ਭਰੇਂ  
 ਨਿਪਜਾਬਠ ਲਾਗੇ ਮੋਤੀ

आज री नीं  
 नीं जाएँ कितरें वरसां री  
 बतारै इतियासू इतियास  
 क्यूं नीं जाएँ मानखी ?  
 क्यूं नीं जाएँ मानखी ??

न्याव

गूं गो-बोळी  
 आंधी बण  
 बढळग्यो-  
 'बू'  
 ठावो/थारो  
 मुलकां चावो नांव  
 न्याव !  
 अर  
 अटकण लाग्यो  
 'धू'  
 थारै ई दहजां  
 जाएँ रिनरोही सँ दौड़तौ-  
 मिरगली किस्तूरी री दौड़ !

## नित-नेम

हरीश भादानी

थारो-म्हारो नित-नेम  
आ भळ वाथेडा करां !

खायली आंधी  
पीयली लूआं  
पूछलं मूडें लाग्योड़ी झूठ  
रगड़ हयाळचां  
भाडलें चेंरें चेंटोऱ्या  
काळा-पीळा लेवडा  
थारो-म्हारो नित-नेम  
आ भळ वाथेडा करां !

वीज्योड़ी वाजरी  
मतीरां, मोठां नै  
लापी देग्यो काळ  
आ, तूरलां  
जाळ क' खेजड़ी री डील  
छाल नै कूट  
पीयलां टिक्कड़  
सिजोयलां सिणियो  
वांधा, वंधें जियाई वांधा-  
पेट रें पाटी  
थारो-म्हारो नित-नेम  
आ भळ वाथेडा करां !

आव चालां  
राज रें मोटें थांन  
बरणं तमोळा-मेड्यां

अकसी माळिया वणें  
 चाल आपां अडांण बणां  
 माथें ईंटां-चूनें री भारी  
 नीचें चींथीजी जूँण ढोवां  
 थारो-म्हारो नित-नेम  
 आ भळें वाथेडा करां !

थारें-म्हारें  
 दुखां सूं दूवळा दाता  
 पगोथियां सांटता चढे रांस  
 रांस सूं वांचे  
 थारें-म्हारें खातर  
 विधि-विधान  
 नांख  
 वातां रें ठंडे भोभर माथें  
 नांखदै धोवा-धोवा धूड  
 थारो-म्हारो नित-नेम  
 आ भळें वाथेडा करां !!

### म्हारो हेमाणी जूँण

म्हूँ....काईं कोरी इंगर  
 भाल्बोडी ऊभो  
 खेजडी....जाळ ... क' आक  
 क' तळें चेंटीज्यो सिलियो,  
 तूँ बें री बेस ?  
 म्हारो उघाडी  
 पळपळती हेमाणी काळजो देखताईं  
 सूरज री लाडेसर किरतां  
 उतरं करं रमभोळ....

अळगें  
 सूं देखें काच  
 कंवता जावे  
 बो रंयो पांणी री छळावी ...  
 पांणी कठें है अठें  
 चोखूंट पड़ियो है

सूको सून्याड़  
वरसां-वरसां  
बादल री लीरी तक री नों पासंग  
साची

काच री देखी कंयो  
पण दीठ नै दीसं  
सूके सरणाट में  
जागतो बैठी  
तावड़ियो साच  
क' बादल रै बसू नों रैयी

म्हारी जू'ण  
देखतो आयो है सूरज वाप  
हारा, हां म्हारा कमतर  
घर मजलां घर कू'चां  
दनुंगै-सिझ्या  
जा पूगै पत्ताळ  
भरलै वोरें में  
खळ-खळ नाखदै देगां में

आडा आयोड़ा काच  
उतारें दीठ  
म्हारै पणीढै  
कांसीरीं थाली  
म्हारी आंख्यां में हिलकती दीसै  
नीलम आभी  
आभे पसरयोड़ी हरियत बेलां  
बेलां में पांणी  
पांणी सूं तिरिया-मिरिया  
म्हारी हेमांणी जू'ण !

## सहीद री व्यथा

✻ फारुक आफरीदी

ज्यारुं मेर नावता-भागता-फिरता  
 मिनख-ई-मिनख  
 नौराया माथे ऊभी सहीद री मूरत  
 सोधे मानखां में मिनखपणी  
 पण दीसं कोरी भागम-भाग  
 कोई रोटी सारु  
 कोई गोटी सारु  
 कोई बोटी सारु  
 मूरत री आतमा दीड़े वारे लारै

सहीद री मन रोवे आपी-आप  
 काईं सोच'र सहीद ब्हियो ?  
 इण मूरत खातर ?  
 टावरां रे दांणां-पांणी खातर ?  
 अमर होवण ?  
 नौं ! नौं !  
 मुलक री मुळकाई खातर !  
 नौ पछे आ दुरगत ?  
 सहीद री मिरतू दुरगत खातर ई ब्हे, काईं ?

म्हनें मुगत करी  
 कुत्ता रे भूत सूं  
 कबूतर री बीटां सूं  
 म्हारी छाती माथे  
 रंग-रंगीली टोप्यां रा पोस्टर  
 चोर ज्यूं चौकीदार री रूखाली क्यूं  
 जुआरियां री रमझील क्यूं

तुरत तोड़ो म्हारी मूरत  
बंद करो म्हारी बौपार

मूरत मांडणा रो चाव पाळो  
तो ऊभी करो

‘हैवानियत’ री मूरत

पैरावो फूल पानड़ा

नित-नेम

पछं काटी च्याखूँ मेर चकरा

चढावो रग-रंग रो रगत

मुगत करो म्हारी आतमा

पोत दो डंमर अड़ो हरेक मूरत माथं

### म्हारी कविता

म्हारी कविता

मारग हूँ रेयी है उए रो

कठै है वो

जिए खनं गिरवी राख्योड़ी है

ईमान री पोटली

म्हारी कविता

जूझ रेयी है उए सूँ

जको बौपारी है

मिनख रं रगत रो

वगत रो

म्हारी कविता

रोक रेयी है वै पगल्या

जका ‘जनून’ सूँ भरयोड़ा है

धिसर रेयी है

रतोंदी रं मांदां नै

म्हारी कविता

कोरी पगडंडियां कोनीं

जठे जको आवें, गुजर जावें

अठे सूँ वो ई गुजर सकें

जको धरतो सूँ जुड़योड़ी है

म्हारी कविता  
 फुदरत रै न्याव  
 अर कूड़ा मानखां रै इन्याव  
 दोनों सूं  
 दो-दो हाथ करणी चावै है

म्हारी कविता आज  
 सूरज री चांदणी  
 अर रात री अधारी  
 दोनों रै बीच  
 अंतस री उजास सोघै है

### मरुथल री माटी

मरुथल री माटी लू माथै ई  
 मज कर सकै  
 अर गुमेज कर सकै  
 मिनख रै मिनखपणै मायै  
 रगत रै भोल माथै  
 आरै मरजाद माथै

घाये साल काळ सूं जूभै  
 काळ सूं बत्ती  
 काळ रा जंजाळ सूं जूभै  
 जूभै वासूँ  
 जका काळ रा हेताळू है  
 अर हेताळू है काळ री पइसी

मरुथल !

कैवै अठै पांणी कोनीं  
 म्है कैवूँ कैवणियां में दीठ कोनी  
 पाणी माटी में कोनी, मोटचारां में है  
 कैवै अठै रेत है  
 रेत थानै दीसँ अ हेत रा समंदर है



## परकोटा

ॐ अर्जुनदेव चारण

ये ई भळं पूजीजता हा  
 यांनै ई कोई पूछती हो  
 भई मांनणी नीं आवै  
 कोई हो थारै कनै

ऊंचै भाखर  
 ऊभा रैवता  
 निरखता आवता-जावता मिनख  
 वम

आय वैठता-उडता पंखेरु  
 उणरो मोद है  
 किणनै फुरसत अठै  
 दूजै कानीं जोवण री  
 सगळा दीड़ है सोधण नै  
 अक रूख  
 अक चिड़ी  
 अक आंख  
 जीतण मारुं जुद्ध

ये ती जणियोड़ा हो  
 भाखर जडियोड़ा हो  
 ठोड़-ठोड़ सूं भाग गया  
 तोई करहाण  
 आय गेया भूसांक जी  
 म्है परकोटा हां  
 हां  
 हां म्है परकोटा हां  
 जुगां-जुगां सूं

देवता आया थावस  
थारी पीढियां ने

म्हारै पांण ई  
करो ही छैलायां थे  
कराया पोखाळी  
म्हारै डील रो  
आज नटी हो  
थारै वास्तै म्हेँ जूँभिया  
म्हारै हाथां  
थे मेंहदी नीं लगाई  
मुळकता भेल्या वार  
टालण सांरु विघन  
थारै वाळपणै रा

कूकिया हा बेढाळै  
फेरतां पसवाड़ो  
भूल गया  
कोनी घडीजिया अजै पूरा  
बगत री धार  
तपती सूरज  
चढती आंधी  
म्हेँ भेली  
ऊमा रह्या  
उफ़राती मेह  
उकळती जमीन  
म्हेँ ढावी  
ऊमा राह्य

नींवां भरीजी उण दिन ई  
जाण लियो हो  
अेक दिन दूटणो है  
म्है तो ऊमा ई इण सांरु  
क' बिखर जायां  
खुद कोई कोनी तूटै  
वगत तौड़ दै  
सगळां ने

म्हारा घाव देख  
 हसी मती  
 काले  
 थाने  
 अठ ई ऊमणी है

### कांमलेण

नीचलें पागोटें ऊभी म्हें  
 म्हनं ओळवा री दाभ मत दें कांमणी  
 ताच-ताच रा घर  
 ताच ताच रा आंगणा  
 छोणां सूं ऊपर है आभी  
 लुण जाणें  
 छोणां रें ऊपर व्हे कांई  
 कुण रेंवें  
 सूं न धार  
 थूं छात वणी  
 म्हें आंगणी

अधारी चापळती भावें  
 छिप जावें किरा खूंखूं-खांचरें  
 सोधू म्हें  
 वापरियो हांकरतो आदें  
 पसरें लेय भु जावां पूरी  
 भोगें थूं  
 म्हें सोधू-थूं भागें  
 म्हनं ओळवा री दाभ मत दें कांमणी  
 विंडी री मरजाद जाणती थूं ऊभी  
 विंडी री ओकात जाणती थूं ऊभी  
 म्हें थारी ओकात  
 पगां वायरो  
 साव निपूतो  
 आगत री सराप ओढियां  
 नेधम सूती  
 लेय कटारी इमरत री

थूं चंवै  
 बीजळी खीवै  
 थूं म्हारी उणियार  
 डागळे कभी  
 नूवो घड़त रा सपनां लेय पसरगी  
 घात आंगणी बरणी  
 म्है थारो रूपाव  
 कांमणी  
 म्हनै ओळवा रो दाभ मत दै ।

### माखी

चासणी मांय पड़ी माखी  
 कळोजै  
 निकलण रो आस  
 जूंभती जूंण  
 व्है जावै धिर  
 कड़ाई सांरु माखी  
 रेडियी सांरु विग्यापन ।

### बटाऊ

मारग नै ऊंचायां  
 कद ताईं फिरी बटाऊ  
 देख  
 आपरा लोईभांण पग  
 सोध जमीन  
 जमीन मारग ऊंचाय लैई  
 पीयजा आभी  
 उतरजा गैरी घाटियां  
 गमजा ।

## गुठियो राजा

श्यामसुन्दर भारती

सूरज-

डूबग्यो कालीधार

दिन रँ अंधारँ में

अर इतकी आसंग को' नीं म्हारँ में

के उए नँ वारे काढ लूँ

बयूँ के म्हारा हाथ-

म्हांरो आंतां में अलू भियोड़ा है

पग कळोजियोड़ा है कादा में

अर माथो दवियोड़ी है-

कुइसी रा पागां हेटै

पछै आ काळस कुट भेटै ?

कुए भगावँ अंधारा री भूत

कुए कीलै फुंफकारा मारती नागए री मुंडी

कुए धरै जूत ?

यूँ-

सगळा जांणी-

अर आछी तरै पिछांणी

के जनानी ड्योढी माथै-

नाजरियां रा पीरा लागै है

पए काथी पियोड़ा नै

ताळी रा तटका कद दौरा लागै है ।

तो-

भूवाजी फिरग्या है चारूँ खूंट

परवारणी है सगळी रामत

अवै—

के ढाकए भलां ई छुरी मलावती व्हो

गुठियो राजा तो जागै है ।

## तस्वीर

निरखी

परखी

ने ओलखी-

किण री है आ तस्वीर

वहै सकै-

के अं नैण किणी वगत

मिरगली रा नैणां वरगा मोवणा

घणा अचपळा

इमरत रा प्याला हा

पण आज तो-

दो ठीडा है, भाळा है

वहै सकै-

के ओ हाथ किणी वगत

पोयण वरगां रूपाळा

मखमल जिसा मुलायम रैया व्है

पण आज तो-

आयठण है, छाळा है

वहै सकै-

के अं पग किणी वगत

मायड़ री गोदी

पूलां री सेजां हा

पण आज तो-

उरभाणा है, पाळा है

वहै सकै-

के ओ पेट किणी वगत

साम्बी डकारां लेवती

घापियोड़ी घणी रैयो व्है

पण आज तो-

आळा में आळा है

तो आवी-

देखी, निरखी

परखी  
ने ओलखी  
के किए री है आ तस्वीर

अर सोची-  
किया विगड़ी आ तस्वीर !  
कुण विगाड़ी आ तस्वीर !!  
ओलखी-  
पिछांणी आप री खिमता  
ने समझी-  
के जठां तक छाती रा पुड़ियां हेटे  
भट्टी धुके है-  
थां लाय लगा सकी  
बारूद रै तो-  
अेक चिरागारी घणी रहे ।

## छण गांव मांय

— चंद्रप्रकाश देवल

जड़ाजूड़ आपाधापी रै इण  
जमारा मांय  
म्हारै गांव रौ संकरियो ई  
जांणण लागग्यो  
लरड़ी सूं लेय' र भिनख नै लौड़णी  
जद नीं देख्यो उण बारणी ई  
इस्कूल रौ  
कद ई नीं सुण्यो नांव किणी सास्तर रौ

इतो परवारग्यो है बगत  
क' सुभट दिसै  
न्यारा-न्यारा खेड़ां मांय वंटियोड़ी  
गांव रौ भूगोल  
अर अेकीअंक भागळ मांय चालती  
सिलसिलौ न्यारी-न्यारी जात रौ ।

इण गुणाड़ी, उण फळसै  
सगळा लोग, गौ रौ जात  
षिपकियोड़ा बैठा है  
वां रौ वां वातां सूं  
मन व्है जित्ता फंफेड़ी  
खेची-तांणी  
हचकौ ई नीं खावै ।

चोमासा में अणू'ता सांगणां  
चारा ज्यूं ऊर्ग  
ये परजीवी, फगतजीवी  
रसदजीवी, रगतजीवी



सगळा जीवता जीव  
 अंक दूजा री अर आपो आप री  
 भस्त्र लेय  
 न्यारा-न्यारा तेवांरां रै हरख-उद्याव  
 नाचै कूद-खावै गावै  
 आपरा दाणां कमावै  
 जूँण भूगत भसाणां समावै  
 कोई आनै पकड़ाय गियो हो  
 जांत री पूछड़ो  
 धरम पुन री पग  
 कोई दै दियो हो मंतर आने  
 क' जात गगा है  
 अर गांव राम है  
 उण दिन सूँ आज दिन लग  
 गांव रा न्याव सूँ मरै  
 अर जात गंगा सूँ मरै

रूख

म्है रूख सूँ पूछयो  
 उणरै डाळां री बोझ  
 उण फगत  
 फर-फर आपरा पान बजाया  
 जाणै म्हारै सवाल माथै हसती व्है  
 म्है जडां सूँ पूछयो  
 वानै आवता जोर री म्यानी  
 म्हारी बात रै कानो नी देय  
 जोर सूँ जमी नै पकड़ी तांतां सूँ  
 जाणै वैं वारी आंगळिया व्है  
 अर लांयो सांस रै मिस  
 जमी सूँ संदवाय खैचती री  
 खैचती ई री  
 पड़ तर सारु म्हारा सवाल  
 वठ रा वठ डाळा सूँ लटवया रह्या

अर बायरा सागै

नाचण लागी रुख

कत्थक नाचती किणी लुगाई दाकळ ।

उणारी न्यारी मुद्रावां अरथावतां

निकळग्यो म्हारी जीभ री अंस

म्है सगळी पोथ्यां अर

अकोअक मिनख रै मूडै सू

भेळी कर नकामी भासा

खूजा ताळके करयां पाछे

पगां री आंगळियां र अंगूठा

जमीं में रोप

आभा नीचै हाथ पसार

जीवता अडवा ज्यूं ऊभग्यो,

अर पगां पीदै भालवो करयो इण इच्छा सू क'

म्हारै ई जडा फूटै

पगां तांतां छूटै

आदिवासी राजस्थानी तीन कवितावां

## दल्ली नी टाड़

— ज्योति पुञ्ज

हेत्ताअे देस ना  
गरीबं ना परेवा थकी  
बणावैला वम भडाका  
दल्ली में फोड़ी

ने बोली-  
"अमारु भारत गरीबं थकी वण्णु  
अेक धनवान देस है  
जोवौ त' जोईलो

दल्ली केवी समकै  
हेत्ताअे देस मे आबीस्  
सकमक समकती  
ऊजवारी विरजीअे  
ने ऊंसी-ऊंसी पांस पांस तारा भारी  
होटलै ने अंगला है

कड़कती टाड़ में  
पूटा थापडा  
ने आकोडिया ना भडलें नी भेतै  
टाड़ाई गयी है

ने अेणा टाल्ला अअें  
टाड़ायलौ रूपी आपड़ी बडरी नै  
कै/के 'वेट्टी दल्ली केवी अुहे  
कारेक जुवौ पड़ै  
अें टाड़ नै पड़ती अुहे के हूं ?

## वाटली

अडुक मडुक नै  
खाटी सा  
घो आवै ने साटी खा  
पण  
अवैतो खाटी सा नांस् वांदा है  
तो घी कयं हूं आवै  
नै कयं हूं माटै ?  
ससार साटवा मअं स है  
सब जे मल्यु साटी खाई जअं  
पण  
काले हाँजं  
रामा भावा नौ सुरी हूकी  
काल नौ वाटला ऊपर जम्यो  
धूरी साटे  
ने साटतै-साटतै भूख उगडी आवी  
त' अनी कानी कापी खाईग्यो  
ने रामी भावो  
हूका नै कूटै ने सेठ संकर नै  
काल नौ पगार ब्याज-ब्याज मअं  
लईलेवा हारु-भन-भन अअं गारै दअं ।

## वापड़ी सम्पा

रुड़ी ने रूपारी  
हावू नौ बटकी  
बोलै त जाणं पूलें भरै  
ने दांत काड़तु थकु मुडु  
पणणी नै जई वेरै गाम मअं  
आवी साम्पा  
त' बीजी बाइयें ना भाव ऊतयी  
हेत्ता गाम मअं  
हेत्तीअ वातें मअं  
अनी वां वाई

बीजी वाइयें मली न  
 साड़ियें करें, अएणीं सीता हरकी  
 सम्पा नै वातें-वातें मअ  
 नेसी पाड़वा मककें नै नजरें मअ हूँ  
 उतारवा घणीं तपड़ी  
 कान भर्या झूटी-झूटी वाता उड़ाड़ी  
 पण कोणें विस्वा नै करे  
 ने सम्पा नौ भंडौ ऊँ सोस् रै  
 तारें थुड़क दाड़ें पूटें  
 अके वाई धुराँ  
 ने धुरणती-धुरणती कै/के  
 मूँ डावणी हूँ जुणें मारा चक्कर में  
 आवी जाय अने मुँ साई जऊँ  
 मारु नाव-'सम्पा' है

ई रातर नै आजनौ दाड़ी  
 बापड़ी-सम्पा डाकणी थई गयी  
 गाम मअ कुणें नती बुलतू अने  
 हामी पड़े त' मनकें वेगरें जअ/सुरें नाई जअ  
 ने धणी कूटें/आम करम कूटें ।

## बाट

— श्री. आर. प्रजापति

इए विरख री छीयां ऊभो  
 बेसवर बहेती  
 म्है-थहारी बाट जोवूं हूं !  
 आंखियां फाड़-फाड़  
 ठेठ खितिज ताईं दीठ पसारु  
 मन नै बिलमातो-बिलमातो  
 फेर उतावली बूँ  
 बात काईं बही  
 धूँ कठै ई गमगयी ती नीं ?  
 इणी मारग भागतो-भागतो धूँ  
 जोवरण नै गयो हो  
 थहारा सगळा सपनां  
 जिका  
 थहारी गांठड़ी रै तींडे सूँ  
 फिसळता/निळकता  
 बिखरग्या हा  
 गांठ खाली बहेती-बहेती  
 ठेड आंखियां रै आडो आयगी  
 अर धूँ चमकयो-अचांण चक  
 ज्यूँ नींद में टाबर चमकै  
 थहारी उतावली आंगळयां  
 संभाळै गांठ नै घड़ी-घड़ी  
 ज्यूँ-अक मां  
 नींद सूँ आचांण चक चमक ऊठता  
 आपरा टाबर नै  
 बाथां भेलती संभाळै  
 अर डरती-फरती पूछै

काईं ब्हियो म्हारा लाल .. काईं दीस्यी ?

बै भूंडा पर

झुवती-तिरती लैरां

संकीजती, सुकड़ीजती मन

अदीठ भविस री भै

अर यूं

पाछी भाग्यी हो

इणी मारग रै अतवाड़-पसवाड़ जोवती

ह्वारा गमियोड़ा सपनां

हांफीजती-कांफीजती !

भाई !

मारग पड़ी मोहर कुण छोड़ें

विखरयोड़ा दाणां नै

क्यूं नी चुगें-अं भूखा पंछीड़ा

जद कोई ठगीजें

सापरतें अक आखर सूं

क्यूं नी ठगें वानें

अं-कोरा कूड़ सवदां रा व्योपारी ?

म्है ह्वारी हाल पिछांणती

म्हने ना कियो हो-

मत भाग वीरा ! ...पाछी मत भाग !

गमियोड़ी घन

पाछी घणी दोरी लाधें !

आव भाई !

म्हारै साथै आव

आपां दूजा सपनां घड़ां

सांचा बहैता सपनां

ज्यां मे-टावर नीं दीसै

भूखा, तिरसा अर उघाड़ा

मां

मांय री मांय नीं पिसै

पाळती रिसता, रगवगीजता घांव

भविस

नी व्है- मिरगा री कूड़ तिसणा !

पंग  
 हांफळियोड़ी थू  
 चेता-चूक व्हियोड़ी मू  
 थहनै धीजो नीं हो  
 अर थू भाग्यो गयो पाछो  
 जोवती, उतावळो  
 इणी मारग रे असवाड़-पसवाड़  
 थहारा गमियोड़ा-सपनां  
 अवै खासी देर व्हेगी है  
 हेती जावे है  
 म्हारी मन भी व्हे उतावळी !  
 इण विरख री छोंयां ऊभो  
 वेसवर व्हेती म्हे  
 थहारी वाट जावू हूं  
 ठेट खितिज ताईं दीठ पसारतो  
 फेर उतावळी व्हे  
 वात काईं व्ही  
 थू  
 कठई गम्यो तो नी ?

### काईं करूं ?

म्हे काईं करूं ?  
 या तो केजुअल छट्टी लेयलूं  
 अर रजाई ओठेर सोचूं-  
 क्यू सड़क रे अेकांनी या फुटपाथ उपर  
 मरयोड़ी पड़यो ही तो मिनख-  
 ठड सूं ठरियोड़ी ?  
 म्हे काईं करूं ?  
 म्हारें वैंक रे  
 अंडर ग्राउंड' लाकर घाळा  
 'स्ट्रांग-रूम' में जाय'र लुक जाऊ  
 अर सोचूं-  
 क्यू व्हियो धाज



सड़कां ऊपर लाठी-चार्ज/क्यूं चाली गोळियां  
हड़ताळी मजूरां अर  
स्कूल-कालेज रै टावर-छोरां ऊपर  
इण तरं लोथां ऊपर लोथां विछरणी  
चोखी कोनीं !

म्है काईं करूं ?  
क्लब री मीटिंग मे आज  
म्है जरूर कैबूला जोरदार सुर में-  
भायां दो लंबर री रकम री  
वजट बघाओ  
अर वाटो सस्ता कांबळ-खांणी-पीणी  
सगळा गरीबां नै !  
यूं नीं मरणा चाहीजं मिनख  
फुटपाथां ऊपर ।  
म्है जरूर कैबूला-म्हारा भायां !  
मजूरां री महगाई भत्तो बघणी  
स्कूलां-कालेजां में  
किताबां अर कामिक्स वांटणा  
घणा जरूरी है !

यूं आयें दिन  
हड़ताळां नी व्हेणी चाहीजं  
देस री भली  
यां चीजां सूं नी व्हेय सकें !  
म्है काईं करूं ?  
देस री भली कियां व्हेय सकें ?  
आखी रात म्है  
सोचूं, जागूं सोचूं  
देस रा दुख सूं  
आवटती-तूटती,  
गरम रजाई में मूंडो ढकती  
मन-ही-मन रोवूं भांभरकें !  
मिदर में जद वार्ज भींभा  
हड़ताळां-हाका-मोत  
सूं डरती

लेवूं मन ही मन रांम रौ नांव !  
 म्हैं काईं करूं ?  
 छितरावूं दो-दो हाथ रौ सूळां रौ मुंड-  
 धूजतौ  
 पाछा भेळा करूं  
 आगे सिरकूं च्यारूं खूंट जोवतौ-  
 'सेळ' जिनावर दाईं !  
 मन रौ सांचौ ग्यांन  
 कित्तौ बेईमांन ?  
 लारो नीं छोडूं म्हारौ-  
 म्हैं काईं करूं ?

## जिनगांणी

☞ डा. मदन केवलिया

वगत री आवाज हूँ/हमेसा  
 अेक ईमानदार मिनख दाईं सुणी है  
 पण, म्हने ईयेरी सजा/हमेसाईं भुगतणी पड़ी है  
 कास/हूँ सीख लैवती  
 चापलूस चमचां सरीखी नाटकीयता  
 वणा लैवती  
 नाटक रै पातरां दाईं ठाणपूर चैरी  
 तद इत्ती पिछड़ती नीं  
 सीटियां वजावती पूनां सूं इत्ती दूर नीं भागती  
 अर ठीमर जिनगांणी जीवती-  
 पण ईं लखणां री कमियां  
 म्हनें कठे री भी नी राख छोडथी  
 अहं नै सरै आम/ नोलाम करण रै बाद भी  
 हूँ आज ठरकेल ज्यूं  
 पड़थी हूँ अेक खुर्ण मांय-  
 म्हारे कने दरद री हिसाब कोनीं  
 क्यूं के सांसां री हिसाब राखणी सोरी कोनी  
 आपणी वेहिसाब असफळनावां म्हनें  
 जिनगी रें ऊ अठाण मार्ये लाव ऊभी करघी है  
 जठ हर कामयाब मिनख  
 म्हनें/ आपणी दुसमण निजर आवे  
 अर'अेक ईमानदार मिनख में निजर आवे  
 म्हनें खुद सरीखे असफळ मिनख री चितरांम ।  
 हूँ चावूँ हूँ के अबे हूँ  
 सराफ्त अर ईमानदारी जिसे गुनावां सूं  
 दूर हटनें, अेक चोले मिनख जियां  
 जिनगांणी रा बाकी दिन गुजार हूँ ।

## छाचारी

सुद्धि पत्र सी ठरकेल जिनगांणी  
पावंडै-पावडै मायें  
अक-न-अक आखर छोडती जावें ।

सबदां रा दुट्योड़ा सांचा सूं  
बळ'र गिरती अणुभव छटपटावें है  
अर गुजरता वगत री गोद मांय  
चिप'र सू जावें है-

आपणा कमरा ई अजनबी बरा'र  
वी सैं अणुभवां नै चारै काड देवें  
जिणां नै रोजाना बदळण आळा रंग  
खनै घु'आळी सारू किचरोज्या तिनका  
मयस्सर नी होय सकै  
क्यूंके सबदां रा सांप सें दड़ा में है

जिका आपरै सरीर मायें  
सबघा री धार लगायोड़ा  
घात मांय बैठा है-

हूं इतरी समझदार कोनी बहै सक्थी  
जो इरा धरती री आवोहवा मांय  
सोरी सांस लें सकूं

हूं तो आखरां नै समेटती-समेटती थकग्यी हूं  
अर आ कमबस्त जिनगांणी है  
जिकी आपरी आदतां सूं बाज कोनीं आवें ।

किण देख्यो है ?

नसां मांय भाजता तणाव रै रगत नै  
किण देख्यो है ?  
रंगरळियां री फिल्मी उजास सूं कदै तो  
घर चोवारा-चमकै  
अर कदै-कदै अक चिड़कली री आवाज सारू

घर-आंगण तरसै

भीतां रै तूँवै पलस्तरां मांय लुक्कयोही  
भेकळपणै रो परतां किण देखी है ??

सरणाटा पीवती गळियां

टावरां रै सोर सू चौक जावै कदै-कदास

अर म्यूजियम रै चीकीदार ज्यूं

हूट जावै मांय सू कदै-कदै

नाड़ियां सू जुड़या दरद रै प्रवाह नै/किण देखी है ??

## कुण केवें आजादी कोनीं ?

७ नंवर भादानी

कुण केवें है  
 चोलण री/आजादी कोनीं ?  
 पुली छूट है/सहर रं फुटरापं  
 गजल री नाजुकता  
 अर  
 कविता री/कलात्मक अभिव्यक्ति भायें  
 भासण भाडण री ।

छूट है अयाग/भासा नें चाटण री  
 कविता खातर/चांदा भामा नें चंचेडण  
 अर  
 भासाई दंगा करावण री ।

छूट है अणमाय  
 बघतें कोडी नगरं नें  
 पगां सू/चीथण री  
 घोळें कबुडें री/गावड मसोसण री  
 अर  
 सिकारी कुत्ता पाळण री ।

छूट है मोकळी  
 जूता चाटण री/फरटिं सूं दोडण री  
 हवा सूं वात्यां करण री  
 अर  
 माटी री मूरत्यां तोडण री ।

छूट है उणां नें/गूंगा उघेड  
 धूप चाटण री  
 अर

फसलां री सोनलिया भळभळ नं  
कोठार बंद/राखण री ।

छूट कोनी ती  
फगत आजादी रं दुरुपयोग री  
बं सगळा/करं है  
दुरुपयोग आजादी री  
जिका  
सीचं है कीड़ी नगरी/खोल राखी है  
खिड़क्यां/मिटावण अमूजी

देस-द्रोही है  
बं सगळा  
जिका नाच नी सकं/तवलं री थाप  
वांसरी री धुन  
मिंदर रं टंकोरां  
अर  
चांदी री रमभोळा साथं ।

जानलेऊ है  
बं वापड़ा/नागडा  
जिका/घूंओ पीवं  
अर  
फू क सूं/ओदयोड़ी  
आग सुळगावं ।

फुएकवं  
म्हानं  
आजादी कोनी  
योलण री ?

आ  
कंवणिया साव ई  
सूठा/साखी है  
वीसोगतं सूरज  
अर  
प्रवसरवादी चांद री ।

चघती जाय है  
 आंतरो-हररोज  
 सवाल भर पङ्कज बिचै ।  
 हररोज चाल है भतूळिया  
 सवाल रं घोषी पिछाट सारु  
 उठै है च्यारु मेर  
 काळी कळट जांमण  
 गुलियोड़ी आंस्या  
 चूरण खातर  
 चाल है तीर  
 झूंगरां रं गोरवां सू  
 आंस्यां रा कोइया  
 वींघण सारु  
 चाल है  
 सबद-वेधी बाण  
 नूँवा सवालां रा  
 गरभ पटकण सारु  
 पण सेवट  
 सारु हूयो है  
 कवायद  
 उठण लागगी है  
 आंगळ्या  
 काठण सारु  
 घांटा उल्लस्योड़ा पङ्कज ।

पङ्कज रौ न्याव

मछली रौ न्याव  
 नेनी रौ  
 मोटी रं पेट में  
 धूग जावणी छै  
 म्हारा सागर देवतां !  
 थूँ तो आ जाणं है



के औ/न्याव  
पांणी माथै तंरती/चूड़ी उतार  
मछल्यां सारू  
छोटोड़ी रै गळै  
लटकती तलवार न्है ।

थूं जाणै है, प्रभू !  
के औ न्याव/औरू की कोनीं  
घीगामस्ती/अर/मरजी है  
बडोड़ी 'बहैल' री  
आ बात तो थूं भी जाणै  
के औ न्याव/सिवट/छोटोड़ी मछल्यां री मौत  
अर/मगरमच्छां रै मोटै पेट री  
धोय भरण खातर न्है ।

पण  
म्हारा ग्यान गुरु/धारी लीला है अपरंपार  
म्हने इण री ग्यान बतळाव  
के

पांणी री औ न्याव  
थे कीयां पूंचायो  
म्हारै इण/पसरघोड़ धार ताई ?  
थे

धांरी/परसादी रै बतौर  
पोणा सांप/कीयां पूगाया अठै ?  
जिका/आदमी सूं मू डो भिड़ा'र  
पो जावै/उणां री सांस-भरोसी  
अर रैय जावै/वाकी उणां री ल्हास ।  
थूं धारी सागर मुदरा  
तोड़'र/म्हने बता/औ भेद ।

## म्हारै अन्तस में

— आईदानसिध भाटी

म्हारै अन्तस में  
मेहक रेया है फूल  
कंवता घातां सुगंध री  
मन भाणै छंद री ।  
म्हारो आख्यां सांमी नाच रेया है लोग  
नाचण रा न्यारा-न्यारा तार  
कांकड़ां अणपार ।

फूल री मेहकणी  
मिनल री नाचणी  
दोन्यूं अेक सिरकी ई ब्हे  
अेक सिरकी पसराव ।

मिनल रै नाच में ल'य नीं  
उणरा तार वेसुरा ब्हे जावें  
अर वां बिखराव  
काया में ऊंडी उतर जावें  
वींघती, ऊंडी घणी ऊंडी  
आदमो री मजबूरियां री  
बिखरयोड़ी कड़ियां री  
अणकथी कंवती दास्तां ।

आख्यां सूं अलेखूं घातां कर जावें  
दो पसराव  
नापती आपो समूळ  
म्हारै अंतस में मेहकता फूल  
अर म्हे अेकली ।

खेतों में पाकयोड़ी धान  
अर चिड़ियां री चौबारे चुग जांणी  
टावर सारूं राख्योड़ी दूध

मिन्नी री छाने सूं पी जांणी  
 जिनावर ई जद आदमी री  
 मजबूरियां बघावें  
 म्हारी अंतो कुरळावें  
 पूछें मेहकती सुवास नै-  
 थारी सुवास म्हारे ताई हीज है  
 के उए जागा भी है  
 जठे कबीरी अकली ऊमी है

बाळ'र आपरी आसरी  
 जठे जंर रा प्याला  
 लाग्योड़ा है होठां सूं  
 बीघ्योड़ा है हिवड़ा  
 थारी पसराव है काई' उए जागा  
 जठे अ' अए होणियां कुरळाई  
 मुळकता फूल पीड़ नै चाबजावें  
 भरियोड़ी आख्यां तिरतें पांणी नै  
 मांय री मांय ही'ज पी जावें ।

आख्यां में अवकाई आवें-  
 आंतरा री लाय री सिळगती अ'गारी  
 अदीठ लावी  
 भोभर सूं दबियोड़ी कुए देखें  
 क्यूं कर देखें ?  
 पए मेहकता फूलां री सुवास  
 सगळा ही चावें/सरावें ।

आदमी री निजू बातां री  
 कुए ठा राखें ?  
 कुए पळटें सुवकता पानां पोथ्यांरा ?  
 जठे मीरां री पीड़ा  
 दाभगोड़ा हिवड़ा गावें ।

कितरां छोड़्या है सैज फूलड़ा  
 मिनख री भासा सारूं  
 म्हारे हिये रै हिलोरां  
 मेहकता फूलां री पसराव

च्याहूँ मेर बिखरयोड़ी निजता  
 उणरो कुरळाटो पूछै-  
 यनै ठा है ?  
 इतियास किराने कैव ?  
 यनै ठा है बातां काई व्है ?

अर मून लीन्होड़ा होठां कांनी जोय  
 वो बरड़ावै-  
 ख्यातां वै हो' ज नीं जिकै  
 थारो बड़गड़ां री टापां में सुणीजी  
 इतियास री अरथ  
 सन्-संबत्-तोप गोळधां री कोरी  
 गरजणी व्है काई ?

प्लासी, वाटरलू, करबला, कुरुखेतर  
 यां री कांकड़ां में बांध्योड़ा थारा आखर  
 कठई पीड़ रै उण पगोथ्यै चढ़िया  
 जठे नीं रंग भीनी रातां हो  
 नीं बड़गड़ां री बातां अर तोपां रा गरणाटा  
 अदीठ कांकड़ां में कैद वांरी जूँण  
 उणसूँ कणै ई तौ पूछ्यो हुती  
 गांव, नांव, ठांव-  
 कणै ई तौ की व्हैती पिछांण  
 खुद री पांण ।

म्हांरै मेहकता पूलां रा मुखड़ा  
 नीचा व्हैग्या  
 नाटगी अंत री सुवास  
 आख्यां सांमी नाच रेया है लोग  
 नाचण रा न्यारा-न्यारा न्याव ।

### छेत्ताछूँ

पग-पग जोवती थारो बाट  
 खांचता थारो लैण  
 जद म्है आगौ, घणौ आगौ आयग्यो  
 ये अलगा करल्या हाथ  
 रिन-रोही बीच में ।

थारा जद खोज्या म्हें खोज  
 थूं अंधारें मांह अलोपग्यौ ।  
 कितरां री पीड़ा रा लोन्हा  
 परतख डाम  
 थूं कितरां नै हंसावण ऊमौ गोरवें  
 खळां मगरां, जाल  
 रक्तियाणी धर री कोरणी  
 थूं दे जावें दरसाव  
 तपतें तावडें, हेताळू घण हेत सू  
 हे म्हारा भव-भव रा नेही नेह-  
 थूं पग-पग बंधायौ घीज  
 ठोकर खावतां ।  
 पग-पग मायें भाली है म्हारी बांह  
 भूल जावतां ।  
 म्हारी आंख्यां री काढ़यो गींड  
 थूं म्हारें नैणां में सुरमी सारियो  
 म्हारें रू-रू में बोल पिरोय  
 बतायो मारग मिनखां जूणरी ।  
 थूं राख्यौ जुग-जुग सू ख्याल  
 ऊजड़ मारगां ।  
 आज इण चमकीला परलाटां बीच  
 म्हें ऊमौ हूं अंका-अंकली ।  
 अंकर तो आय'र करलें बात  
 बतावें पाछो पळकती दरियाव  
 म्हारी ठांव-  
 जेण जागा आय'र  
 वळती पगथलियां भूलज्या ।  
 म्है भूल्यो हूं अंनाड, म्हारा हैज !  
 अंकर तो बतावें सांचा बोल  
 परतख पीडरा ।  
 अमूजणी अर पळकतें तारां रै इण  
 भीभरिये जंजाळ सू  
 थूं आय'र वारें काढ़ ।  
 बतावें धाही'ज दीठ  
 जठें सीसां रा हिवडा पीघळ ।

ਅ ਮ੍ਹਾਰੈ ਮਨ ਰਾ ਮੋਦ  
 ਇਹ ਸਫ਼ਕਾਂ ਰੀ ਧਮਚਕ ਮਾਂਧ  
 ਧਗਾਂ ਨੈ ਰਾਹਾਂ ਸੂਂਪ ਦੇ =  
 ਆਂਗਲਿਆਂ ਸੂਂ ਐਕ'ਰ ਆ'ਰ ਬਤਾਧ  
 ਖੂਂਟ ਥੂੰ ਮਿਨ੍ਖਾਂ ਜ਼ੂਂਝ ਰੀ ।  
 ਐ ਮ੍ਹਾਰਾ ਧਰਾ ਹੇਤਾਲੂ ਹੇਯ  
 ਐਕ'ਰ ਦੀ ਦੇਖ'ਰ ਜਾਧ  
 ਲਾਲ ਮਜੀਠ ਜ਼ੂਂ-ਖੁਦ ਰੀ ਦੀਠ ਸੂਂ ।

आ मा !

— मोहन प्रालोक

मा मा !

मा !!

भापरी ममताळू छाती पर  
जुदां रा सेल  
भेलती मा !

उतार

भारी श्री रणचंडी री सस्त्र सिणगार  
हाथ मांय भाल्योड़ी  
श्री लप्पर छोड !  
परियां छोड !!

क्यूं मा ?

क्यूं पांगरी या मांय  
मा तातो रगत पीवण री होड ।

कृण री रगत मा ?

हूजी कृण हो ?

क्यां ताईं मा ?

अंत क्यां ताईं भरया थूं

आप कमोडें

निसास अर हारतें

हायां सूं तलवार बगा'र

घरां सिधारतें—

मिनस रें चेतना रा चूंटिया ।

क्यां ताईं ?

अंत क्यां ताईं ?

थूं फेरूं, फेरूं अर फेरूं

धमाई/निबळै हायां मांय सबळ कटार

वता मा !

कुण री छाती मांय उतरी पछै  
वीं री लपलपाती धार

कुण रै हाथां चढ़ी  
वधी मां ?

थूँ/देस/काळ

अनै संस्कृति रै सीमाणां

क्यूं हुयी मा ?

थूँ जुद्ध रै दोनूँईं पखां रै सायै

आपरं जोत रूपां डील माथै

पहर-पहर'र न्यारा पैहरावा

अर क्यूं विधी मा !

दोनूँईं पखां

दोनूँईं पखा रै

बोल-बाणां ।

विचाळें ती फकत

थूँ ही मा !

फकत थूँ !!

क्यूं नीं छुडवाई थूँ

दोनूँईं पखां री दुधारी तलवार

मा !

जणां थूँ आग बरसावती

फिरती ही दोनूँईं पखां रै

रणखेतर

सावचेत

ती क्यूं नीं बुलाई थूँ

दोनूँईं पखां रै हियै

नेह री निरमल धार !

ओक सबद

सबद

जणां असमरथ हू जावै

अरथ देवण सूँ



तो ओली रचीज  
 ओली-  
 जणां विरथ हू जावै  
 भाव री भौम उपर  
 तो वात कथीजै ।

वात-  
 जणां कैय नी सकै  
 वात रै मांयलो वात  
 तो कयिता आवै  
 अर आपरै परतीकां, विवां, उपमावां-  
 रै जरिये  
 अरथ नै पूग'र  
 'शेक सवद' हू जावै ।

## हिरदै री हंस

चैनसिंघ बेचन

मैं

इए इतियासां रै भाटां माथै  
जिए माथै पैला सूं ईं  
भांत-भांत रा केई मांडणां  
मडियोड़ा है  
मडता रह्या है  
फेरुं ईं मंडेला  
हां, उणीं'ज माथै  
म्हारी अंक  
नेनी सोक मांडणी  
कोरणी चावूं हूं  
आ इत्ती'ज  
म्हारै हिरदै री हंस ।

पण

म्हने दीखै है के  
मैं पैला सूं ईं  
रगत चूसतै बाणियै/समाज रै  
गिरवी पड़ियो हूं  
म्हारै रग-रग में  
इएरै करजै री पूरौ-पूरी  
हिसाब-किताब  
अनाप-सनाप ।

म्हने

पैला इए हिसाब रै मांडणां न  
घोबणा है/मिटावणा है  
राजी-रानी/हंसता-हंसता

झणों भोंत खुद नै  
छुडावणी है  
आपे-थापे  
बणावणी है ।

अर हां  
इए वास्ते म्हेनै  
आख्या सूं भाटे नै  
सीचणी पड़सी  
सांसा री डोर सूं पाणी नै  
खीचणी पड़सी  
सिझ्या नै सुबे री रूप-  
देवतां-देवतां ।  
तद फळतै विसवास सूं  
'भाटो' गळला-पिगळला  
म्हारी वोवणी अर सीचणी सूं -  
हरियो-भरियो व्हेला-  
म्हारी हेत !

उणी वगत  
म्हारै हिरदै री हंस  
व्हेला पूरी  
अक बदळतै/संवरतै  
इतियास रै नांव  
केई मांडणां  
मंडेला फेरू-फेर  
मंडता रैवेला ।

बडलाव

म्है सुणियो के  
आज फेरू अक ढांणी नै  
कस्वे री-अर  
कस्वे नै सेहर री नांव

दे दियो गियो है  
 म्हने लागी के  
 इमरत बोलियो  
 हेताळू रळकता  
 चौफेर झरणां/अर-  
 गायां-भेंस्यां/छाळियां रं  
 मिसरी, दाळ-दूध री ठोड़  
 मिळावट सूं भिगसो न्हियो  
 'कमरसियल' घोळ  
 गळें मांय/घाल दियो है  
 वाळण वास्तें अतस  
 के प्रकृति रा पंछीड़ा नें  
 पांवण सारूं  
 पांणी रें साथें  
 घीमै जेहर री जांवण  
 दे दियो गियो है ।

नींवा नूंवी कांई पड़ै -  
 हिरदै कोजी वापरै/करड़ाई  
 वगत करदै वगनौ/उणां नें बतायदै  
 छींयां ढळतोड़ी  
 छिड़ जावै लड़ाई  
 मच जावै रापट-रोळ  
 अर आपाघापी ।

मिनख-वापड़ी  
 बड़बड़ाती रेंवै  
 जीवणी ती कठें पछै  
 मरणी री ई  
 मूंगाई लखावै  
 अणमोच्यो अळू झाड़ी  
 पसरै अंडी  
 रमती-रमभोळां करती  
 परवाई न्है जावै कंद  
 अर गाळियां रा/संकड़ीजता मूंडा  
 सूरज साथें

पग उठावतै मिनख नै  
वापरतां घरै/लखावै जांणै  
के सांप रा फण  
फु फकारा मारै का  
मोटे अजगर रौ/फाटोडो बाकी

प्रीत री खांण  
अपणांपी निपजांण  
फूलां री कवळाई अरं  
मुळकतै उणियारै री  
चौपाल अर चौवठें में  
भाईचारै रौ भाव उमड़ावती  
परोटती/परोसती  
जीवण री आधार  
पीवती/भोवती  
भेक तार ढांणी

सेहर दाईं जठं  
नीं रमै मुतळब  
नीं लाघै भेक दूजै रै  
खंवै माथै हाथ देय  
हंसाय/भरमाय  
अर धक्कौ देय'र धक्कै  
ठेट धक्कै दौड़ जांणी  
छि-छि कोनीं  
मिनखपणै री जड़ बाढती  
ओछी हरकतां री  
वापरै कोनीं चिन्योक ई  
ढांणी री प्राकृत पांणी ।

## मांयली आंख

— सांवर दइया

धूँवै अर भाप में डूब्या  
छापौ छांणै हा म्हे  
खाकी रंग जद खार खावै  
गळी-गुवाड़  
भागलपुर बण जावै !

उणी वगत  
सळां भरी चामड़ी  
अर धौळा केस बोल्या-  
कूड़ ...कूड़...साव कूड़  
आंख्यां ही कठै  
जिकौ फोड़ी  
अर जे फोड़ी ई हुवै  
तो इचरज काई  
जद आंधां नै आंधां करै आंधां

ठीक है  
आंख ई देखै  
आंख हुवणी चाइजै  
पण  
आंख तो मांय चाइजै !

ये जाणौ छौ

ये म्हांन  
जक कोनीं लेवण दयी  
ये जाणी हौ  
जे म्हे

आरांम सूं रैवण लाग्या तो  
थांरी नींद  
हरांम हुय जावेला !

## सूरज री साखी

घूड़ उडावता आया  
काळं घोड़ां रा काळा असवार  
काळो....काळो....इस्सी कीं काळो....

काळा गाभा  
काळा मूंडा  
काळा हाथ  
काळी वंदूकां री  
काळी गोळ्यां री  
काळी बोछाड़  
मिनखां नै गंडकां दाईं दुत्कार  
सातां सूं तोड़ किवाड़  
घरां में वड़ग्या

डावड़्यां रै डील सूं  
घोळी-दोपारा उतारया गाभा  
मसली-चूसी-चीथी  
बोटी-बोटी  
गळी में पूग्यी छापी  
चीफेर मचग्यी हाकी-  
आंधी राज  
हाय-हाय !  
जोर-जुलम-नब्वर जिन्ना  
हाय-हाय !

देखी-देखी—  
नारायणपुर में नागी नाच  
देखी-देखी—  
पारस बोधा-पिपरा में  
पांधरें पीळें पापां रा पात  
देखी-देखी—

बेलछीं बलें बारूंभास  
दिन हुवे का रात  
रोजीना आ' ई बात

म्हैं काई कैवूँ  
किणनै कैवूँ  
अवार-अवार  
म्हारी आंख्यां सांमै  
गळी में रमती ऊंदरी नै  
भपट'र लेयगी चीलख  
म्हारी मरदानगी भार्य मूतगी  
उपर सूँ !

सांची कैवूँ  
रोजीना देखूँ म्है  
रोजीना देखै सूरज  
म्हारी नीं मानो तो  
पूछली-  
सूरज साखी है ! सूरज साखी है !!



## दीठ-अदीठ

चंद्रशेखर अरोड़ा

धेका-धेक हाकी, गूंजै कानां में  
हिरदै में रम्मत सरु म्हे  
अेक फाली  
फूटै अर भरीजै  
(बायोड़ा बीज तो फूटैला इज)

म्हे  
अदीठ नै अंवैरती रैयो  
इए अलख-जातरा में  
पावंडा-पावंडा  
तूटती रैयो मायाजाळ  
लोग  
छिपावै प्रीत अर पीड़  
अर भळै  
तरसै बतळावण नै  
छटपटीजै  
पण कदै भरीजै तीणां वाळी मटकी  
इए जातरा रै बीच  
रोज रोजी अर रोटी  
आंधंपणें में बी आ उमर आखी  
आ उमर  
जाणें कुड़क व्हेती जमीं  
जाणें गोफण सू वेमतळव छटियोड़ी भाटी  
जाणें बनूळियें में फंसियोड़ी तिएकी  
अदीठ में भटकण रै वावजूद  
दीठ में भावै  
दुकानां कसायां रो-

लटकता हाथ-पग-घांटी अर घड़  
 च्यारूमेर बिकतौ ताजी मांस  
 के दीखे मिंदर, धरमगढ़  
 निवता हाथ, पग घांटी अर घड़  
 अठै मिखखां रै साथै  
 कसाई ई चढावे परसाद टकै रो  
 राजी करै भगवान नै  
 अणचाइजतौ मिळै  
 फेरुं मानता मानै, बोलवा बोलै

हदां तूटी लाज री अठै  
 सिणगारी री सेजां रा मोल हुया  
 बिकता रैया हाथ, पग, घांटी अर घड़  
 मुधरी मुळकती रैयो रात  
 कंवळी फूल कुमळावती रैयो  
 आज, दीठ रै दायरै में आवै  
 घणकरी रम्मतां, कितराई खेल  
 अथाग मिनख  
 अर रुखाळा बीच धिरियोड़ी  
 लाज छिपावती  
 तड़ांग नागी मिनखपणी ।

### आंलीजता मिनख

वै/जिणां री खैर-खबर राखतां  
 हाडक्यां गाली  
 न्याव री लम्मीदा ही उणा सूं  
 वरमूं-वरस ऊंचायां फिरघौ  
 वांरी इज्जत री भार  
 वै इज भुगतावता फिरै  
 म्हारी मजबूरियां नै  
 धुड़गी वै भीतां  
 छत जिण रै ऊपर छवाई ही  
 दुख इण बात री उणां नै  
 के म्हारा पंख क्यूं बुलग्या

वयूँ छोड़ दी म्हे  
 परकम्मा देणी उंणां रीं  
 सोचूँ  
 किए करजै रै बदेळै  
 आज ताईं अडांगै पड़ियौ हौं  
 मानीजता मिनखौ रै हाथौ मांय  
 उणां री रम्मत सारूँ

उपरांखर उडियौ जद आजै  
 पिसताबी नी रैयौ  
 इण निरणै री  
 चैरा पिछांण लिया  
 ओळख लियो असली सरूप  
 जाण लियो  
 के अंधारी  
 केई मिनखां री जड़ां में जमियोड़ी है  
 अर  
 सरतिया आंधां इजं व्हे  
 अंधारै सूँ जलमियोड़ा विसवास





